



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IGREYIDI 12

ISINDEBELE ILIMI LEKHAYA (HL)

IPHEPHA LOKUTHOMA (P1)

NOVEMBA 2017

IMITLOMELO: 70

ISIKHATHI: Ama-iri ama-2

Iphepheli linamakhasi ali-13.

YELELA

1. Iphepheli LINEENGABA EZINTATHU: ISIGABA A, B kanye NESIGABA C.

ISIGABA A:	Ukufunda nokuzwisia	(30)
ISIGABA B:	Ukurhunyeza	(10)
ISIGABA C:	Izakhi nemithetjhwana yokusetjenziswa kwelimi	(30)
2. Phendula YOKE imibuzo.
3. Thoma isigaba ESINYE NESINYE ehasini ELITJHA.
4. Thalela ngemva kokuphendula imibuzo yesigaba ngasinye.
5. Tlola iinomboro zeempendulo zakho zifane patsi nangendalela ezinonjorwe ngayo ephepheni lemibuzo.
6. Tjhiya umuda OWODWA ngemva kwaleyo naleyo pendulo.
7. Yelela kobana upeleda amagama ngendalela efaneleko bewutlole nemitjho ezwakalako.
8. Isikhathi esiphakanyisweko sokutlola isigaba ngasinye:

ISIGABA A:	Pheze imizuzu ema-50
ISIGABA B:	Pheze imizuzu ema-30
ISIGABA C:	Pheze imizuzu ema-40
9. Tlola kuhle nangesandla esibonakalako.

ISIGABA A: UKUFUNDA NOKUZWISISA**UMBUZO 1**

Phendula imibuzo engaphasi kwetheksthi eku-1.1 nengaphasi kwesithombe esiku-1.2.

1.1 Funda itheksthi engenzasi bese uphendula imibuzo elandelako.

ITHEKSTHI A**OKWENZA IRANDA LILAHLEKELWE MAMANDLA**

- | | |
|---|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 1 | Ukuthoma ngenyanga kaJuni yomnyaka wee-2015 amandla weranda ehle ngamaphesende ali-17. Nangabe ukwehla kangako kweranda kuyakurara, siyathemba ukobana uyazibuza bona kubangelwa yini. Ukwehla nokwenyuka kwamandla weranda kulawulwa bujamo beemakethe. Iranda kufuze lithathwe njengento umuntu 5 angayithenga, angayithengisa nangarweyilelana ngayo. Ngalokho umuntu kufanele alicabange ngomkhumbulo wemakethe ekulu yephasi mazombenofana wokurhwebelana nezinye iinarha nekukulapho lithengwa, lithengiswenofana kurweyilelanwe ngalo nakuthengiselanwa imikhiqizo ethileko ngomnqopho wokwenza 10 inzuzo. |
| 2 | Ukutjhugutjhuguluka kwamandla weranda neemali zakezinye iinarha kubangwa zizinto ezinengi ezihlukene. Omunye wabonobangelabo kukobana iSewula Afrika irhwebelana nezinye iinarha begodu lokho kudzimelele ekutheni ngiziphi iinarhezo. Iinarha ezinjenge-UK, China, 15 Spain neGerman ngizo iSewula Afrika evame ukurhwebelana nazo. Ukubogaboga kobujamo bomnotho weChina kwangomnyaka wee-2015, okuyinarha iSewula Afrika esebezisana nayo khulu ukufumana imikhiqizo ehlukahlukene, kwenza amandla weranda abetheke kabuhlungu khulu. Ubujamobu babonakala lokha inarha yeChina nayizakwehlisa i-yuan, ekuyimali yayo, ngamaphesende ama-2. Lokho kwabangela bona amandla weranda ehle ngamaphesende ama-26. 20 |
| 3 | iSewula Afrika, njengenarha esathuthukako, iqaleka iyingozi khulu bona abosomali bangasisa iimali zabo kiyo. Abosomali nabosopolotiki beenarha zangaphandle abazaza inarha le benza bona nabanye abasisi beemali basabe ukusisa enarheni le. Abasisi beemali bavamise ukudosela emuva nakufanele basise iimali zabo eenarheni ezsathuthukako bese bazisisisa eenarheni ezinjingileko nesele zithuthukile ezifana nabo-USA, Australia nezinye. 25 |
| 4 | Nanyana kunjalo abosomali nabosopolotiki benarha le banesandla ekutheni iSewula Afrika ithathwe njengenarha eyingozi ukobana abasisi beemali bangasisa iimali zabo kiyo. Ngomnyaka wee-2015 amandla weranda ehla abe aba ngaphasi kwama-R16 nakamadaniswa namandla wedola le-USA nekuyinto engazange kheyenzeke eminyakeni ema-30 eyadlulako. Lokhu kwabangelwa sisenco sakaMongameli wenarha le sokobana atjhugutjhugulule aboNgqongqotjhe bomNyango wezeeMali kathathu ngesikhathi esingangeveke. 35 |


	Kusese njalo ngenyanga kajanabari ngomnyaka wee-2016 amandla weranda abuyelela godu abogaboga aba ngaphasi kwama-R17 nekuyinto engazange ibe yihle nakancani emnothweni wenarha le. Ukwewhla kwamandla werandokhu kwagcina sele kusikimisa iphiko lama-Hawks bonyana lithome ukuphenya uNgqongqotjhe womNyango wezeeMali wenarha le wangalowo mnyaka.	40
5	Abatjali beemali bayiqale ngelihlo elihlabako indlela umnotho wenarha le owenza ngayo ngombana inzalo yemalimboleko yamabhanga wenarha le ivame ukubekwa yi-Reserve Bank Monetary Committee. Lokha amakonyana nakaphezulu abasisi beemali bayarogepleka nekuyinto erhelebha khulu ukukhuphula amandla weranda. Okumbi kukobana ukukhuphuka kwamakonyana kubuye kuqotjhe abathengi begodu lokho kwehlisa umnotho. Ukukhuphuka kweentengo zezinto kungacina kwenze abasisi beemali bona bangasasisa enarheni le. Lokho kwenza umsebenzi we-Reserve Bank ube budisi khulu ngombana kufanele iqale mahlangothi woke. Amakonyana wemalimboleko angaba mancani kodwana lokho kuba nomthelela kezinye izinto ezenza bona amandla weranda abogaboge. Ibhanga nayingathatha isiquonto sokukhuphula amakonyana wemalimboleko umnotho ungakhuphuka ngephesende eli-1,5. Umnotho lo nawukhulako kuzokuzuza kwaphela labo abasisileko begodu lokho kuzokubulala khulu izakhamuzi zenarha le ngombana zizokugcina zicwile khulu eenkolodweni.	45
6	Solo kwangomnyaka we-1992 inarha le iqalene nomraro wokunyuka kweentengo zokudla ngonobangela wesomiso. ISewula Afrika ilahlekelwa yimali enengi khulu ngokuthenga eminye yemikhiqizo eenarheni zangaphandle, njengeenkoloyi ezisetjenziswa ngebakwa-Transnet ukuthutha imikhiqizo iyise eenarheni zangaphandlenofana iyilethe enarheni le. Koke lokho kubiza khulu ngesikhwanyeni senarha le. Ubujamobu bugcina bukatelela inarha le bona iboleke iimali kezinye iinarha. Ukubolekwa kweemalokhu kuhlathulula bona akunamali etheni inarha le eyitholako ngokurhwebelana nezinye iinarha nokutjho bona kufanele ithole isekelo. Imali yenarha le ayinawo amandla nayimadaniswa nemali yakezinye iinarha.	60
7	Lokha amandla weranda nakakhombisa ukukhuphuka kusuke kutjho bonyana iSewula Afrika irhweba khulu begodu ibhizinisi ikhamba kuhle. Amandla weranda nakabogabogako abosomali basola ubujamo bomnotho kodwana kufanele kuqalwe neendlela izakhamuzi zenarha le ezisebenzisa ngayo imali ngombana nazozinesandla. Ukubogaboga kwamandla weranda kutjho ukwenyuka kwentengo yegolide. Abaseemayini abarhweba ngegolide ngibo abathabako. Ukubogaboga kwamandla weranda kungabuye kuhuphule izinga lezokuvakatjha. ISewula Afrika ihangana neenarha ezirhweba ngegolide nalezo ezineendawo ezinengi zokuvakatjha begodu lokho kuyenza bona ibe yinarha ephakathi naphakathi, okutjho bona akusiyinarha etjhoni likeko begodu ayikanjingi. Lokho kuvulela abasisi beemali bona bazikhethelle bona bayafuna ukusisa iimali zabo kiyonofana abafuni na.	70
		65
		80
		85

8 Abanye abonobangela abanesandla ekwehliseni amandla weranda lenarha le kufaka hlangana ubujamo bayo bezepolotiki, imiguruguru, imitjhagalo yeensebenzi neyemiphakathi, iinkolodo zeenkoloyi nezezindlu ezingakhokhelwako nokhunye nje okunengi. SimaSewula Afrika sifanele sidlale indima ekwenzeni bona iranda liba sebujameni obunzinzileko ngokobana sibalekele izinto ezingaba nomthelela ekwehliseni amandla weranda.

[Ithethwe kuBona yatjhugululelwu esindebeleni]

- 1.1.1 Ngokuya ngesigaba soku-1 setheksthi engehla le kuthiwa khuyini okulawula ukwehla nokwenyuka kwamandla weranda? (1)
- 1.1.2 Tlola iindlela EZIMBILI ongasebenzisa ngazo iranda bona likwenzele inzuzo. (2)
- 1.1.3 Tlola urhunyeze unobangela owehlisa amandla weranda ngomnyaka wee-2015. (1)
- 1.1.4 Ngokuyelela okutjhiwo esigabeni sesi-5 rhunyeza ngomutjho OWODWA okwenziwa basisi beemali lokha amakonyana wemalimboleko nakaphezulu enarheni le. (1)
- 1.1.5 Rhunyeza ngomutjho OWODWA umsebenzi we-*Reserve Bank Monetary Committee* obalwe esigabeni sesi-5 sethekthi engehla le. (1)
- 1.1.6 Ngaphandle kobujamo bezomnotho bezinye iinarha ezirhwebelana nendarha le ngibaphi abanye abonobangela ababalwe esigabeni sobu-8 abangaba bonobangela bokuwa kwamandla weranda? Tlola iimpendulo EZIMBILI kwaphela. (2)
- 1.1.7 Khetha ipendulo ekungasiyo kezingenzasi.
UNggongqotjhe wezeeMali ongazange abandakanyeke ngesikhathi uMongameli abatjhugutjhugulula bekube kathathu ngeveke eyodwa nguNgqonqotjhe u ...
A Tito Mboweni.
B Nhlanhla Nene.
C Pravin Gordhan.
D Des Van Rooyen. (2)
- 1.1.8 Ingabe umukghwa wabasisi beemali wokobana badosele emuva nakufanele basise iimali zabo eenarheni ezsathuthukako usitjelani ngabo? Ipendulwakho ayibe mumutjho OWODWA. (2)
- 1.1.9 Phendula isitatimende esingenzasi ngoLIQINISOnofana AKUSILO IQINISO bese usekela isiqunto osithathako.
Inarha ethathwa njengenarha ethuthukileko ingakghona ukuziphilela ngomnotho wayo iyodwa ngaphandle kobana irhwebelane neenarha ezsathuthukako. (2)

- 1.1.10 Ucabanga bona ngisiphi isizathu esenza bona lokha amandla weranda nakabogabogako abantu abanengi abavela eenarheni zangaphandle bakarekele ukuvakatjhela inarha le? Ipendulwakho ayibe liphuzu ELIODWA. (2)
- 1.1.11 Vumelananofana uphikisane nesitatimende esingenzasi bese usekela isiqunto osithathako.
- Nasiyelela okutjhiwo yitheks thi engehla le kuyabonakala bona uRhulumende weSewula Afrika wenza ngokwaneleko ukuthuthukisa umnotho wenarha le. (2)
- 1.1.12 Esigabeni sobu-8 setheksthi engehla le kuthiwa izenzo zethu nathi simphakathi zinomthelela ekwehliseni amandla weranda lenarha le. Akhe ucoce ngongakwenza wena ngokwakho ukuvikela ukwehla kwamandla weranda uqalise kibonobangela ababalwe kilesisigaba. Ipendulwakho ayibe liphuzu ELIODWA. (2)
- 1.2 Qalisisa iinthombe ezingenzasi bese uphendula imibuzo elandelako.

ITHEKSTHI B

- 1.2.1 Rhunyeza ngomutjho OWODWA okubonakala kuhlathululwa ziinthombe ezingehlezi ukusuka kesoku-1 bekuyokufika kesesi-4. (2)
- 1.2.2 Tlola unobangela NGAMUNYE wobujamo obubonakala esithombeni sesi-3 nakesesi-4. (2)

- 1.2.3 Ingabe ubujamo obubonakala esithombeni sesi-3 kezingehlezi buzithinta njani izakhamuzi zenarha? (2)
- 1.2.4 Hlathulula ocabanga bonyana kungaba ngunobangela owenza bona ubaba osesithombeni sesi-2 lo athwale imikhono ehloko. (2)
- 1.2.5 Ngokuzwisia kwakho itheksthi eku-1.1 nokuqalisisa iinthombe eziku-1.2, nawunganikelwa ithuba lokobana ube nguNgqongqotjhe womNyango wezeeMali wenarha yekhethu le ngikuphi ongakwenza ukuqinisekisa bona amandla weranda ahlala asebujameni obunzinzileko? (2)

IMITLOMELO YESIGABA A: **30**

ISIGABA B: UKURHUNYEZA**UMBUZO 2**

Fundisa itheksthi engenzasi bese uyayirhunyeza ngokwemiyalo onikelwe yona.

IMIYALO:

1. Ngamagama angadluli kwama-70, rhunyeza ngendima eyodwa uveze amaphuzu **amagadango ongawalandela nawufuna ukuba mumuntu onekghono lokwazi ukuzikhali**.
2. Umutjho owutlolako endimeni awube nomqondo OWODWA opheleleko.
3. Tlola ngelimi elitsengileko ngombana uzokwabelwa imitlomelo emi-3.
4. Sebenzisa amagamakho, ungabuyeleti utole njengombana ktloliwe etheksthini ngombana uzokulahlekelwa mitlomelo.
5. Tlola inani lamagama owasebenzisileko ekupheleni kwesirhunyezo sakho.

ITHEKSTHI C
**AMAGADANGO ONGAWALANDELA NAWUFUNA UKUBA MUMUNTU
ONEKGHONO LOKWAZI UKUZIKHALIMA**

Ukuzikhali kufaka hlangana ukuzikatelela bona wenze ezinye zezinto ezingasimnandi nezibudisi kodwana ngonobangela wobujamo obuthileko uzifumane ugandelelekile ugcine sele uzenza. Ukwenza isibonelo, singathi mhlambe umuntu uyagula bese uyokubonana nodorhodera. Udomhodera nakamhlahlubako kufumaniseke bona ukugula kwakhe kubangelwa mhlobo othileko wokudla akuthanda khulu bese amtjele bona angasakudla. Ebujameni obunjalo kulapha kungena khona ukuzikhali ngombana umuntu lo sekufanele akhethe bona ulandela imiyalo kadorhodera ukuze aphilenofana uragela phambili nokudla ukudlokho nanyana kumgulisa nje. Irhubhululo liyaveza bona abantu abanengi abanalo ikghono lokuzikhali navane baqalene nobujamo obubakatelelako bona benze izinto ezithileko ezizabaphilisanofana balise ukwenza izinto ezizobagulisa. Kungebangelo namhlanje abosolwazi sebavelelisa abantu ngamagadango angabasiza ukobana bathuthukise amakghono wabo wokuzikhali.

Ukuzikhali kuthoma ngokobana umuntu athathe ingqondwakhe ayibeke ezintweni ezakhako nezhkhuthazako njengeenluleko ozitholako epilweni. Ngokwenza njalo umuntu uzokukghona ukuphuma kilokhu angikho abe ngilokho akuzwakonofana afunda ngakho. Ukuditja nabantu abanomthelela omuhle nabakghona ukuzilawula kuyasiza ekuthuthukiseni ikghono lokuzilawula lomuntu. Nangabe abangani bakho abanakho ukuzikhali nawe uzokuba nobudisi bokobana uzikhali. Ukuhlala nabantu ebakhe baba nomraro ofana newakho epilweni kukwenza uthole iinluleko zokobana ungakghona njani ukuzikhali njengabo. Linganisa bona lokho ofuna ukukufikelela kuqakathee kangangani epilwenakho nokobana kuzokuba nomthelela onjani. Nangabe kukhona into ofuna ukuyifikelela epilweni tjhugulula indlela owenza ngayo izinto.

Kufanele uzibekele umnqopho kodwana kungabi ngomkhulu ozokwenza bona kube budisi ukuwufikelela. Ukwenza iminqopho emikhulu kungakuqedu amandla ugcine ulahlekelwe kukuzithembu. Ngokufikelela kwakho lokho okuncani okunqophileko ingqondwakho ithoma ukuzitjela bona umumuntu okghonako. Ukuze ukghone ukuzikhaima qinisekisa bonyana kunomuntu olindeleke bona uziphendulele kuye ngombana lokho kuzokwenza bona ungazigedli. Abantu abanengi abakuthandi ukuthathwa njengezehluleki, njeke umuntu olindeleke bona uziphendulele kuye uphenduka umgquqquzelakho. Kufanele utole phasi amagadango ngendlela ozowalandela ngayo ukuze uwaphumelelise. Kufanele uzwisise bona akukazokuba lula nawusathomako kodwana kufuze uphikelele bekufike lapha kuba yijayelo khona.

[Ithethwe ku-inthanethi yatjhugululelwesa esindebeleni]

IMITLOMELO YESIGABA B: 10

ISIGABA C: IZAKHI NEMITHETJHWANA YOKUSETJENZISWA KWELIMI

UMBUZO 3: ISIKHANGISO

Funda isikhangiso esingenzasi bese uphendula imibuzo elandelako.

THE KSTHID

UMNYANYA WOKUTHOKOZWA KWABAVUMI BESIKHETHU!!

**YEWIZE ESIDITJHILE RESORT UZOKUSUTHISA IINDLEBE NGOKUDLA
KWAZO. UMVUMO OSIKINYISA NESINEDOLO!!**



**SIBALA ABAVUMI ABAPHAMBILI ABANJENGE-SAAIPLAAS BOYS,
UNOTHEMBI MKHWEBANE, AMATSHATHANGUBO NABANYE!**

BABIZE BOKE! UMPHAKO UZABE UNGADLIWA MNTWANA!

KUVULWA NGE-IRI LE-10 EKUSENI.

- Abentwana abangaphasi kweminyaka eli-16 abangeni.
 - Woke umuntu oza emnyanyeni lo kufuze eze nomlinganakhe.
 - Abavunule isikhethu bazokuphiwa ama-CD wabavumi ebazabe bakhona mahala.

Nawufuna imininingwana ezeleko dosela uBafunani enomborweni: 0801 000 111

[Sithethwe ku: www.images.com]

3.4 Khetha ipendulo enembako kezingenzasi.

Ikulumo esetjenziswe esikhangisweni esingehlesi ethi; 'Uzokuthabisa indlebe ngokudla kwayo' isetjenziswe njengesifeno se ...

- A senzukuthi.
- B sifaniso.
- C senzasamuntu.
- D tshimo.

(1)

3.5 Tshwaya ngomqondo welimi elisetjenziswe embandeleni woku-1 nowesi-2 wesikhangiso esingehlesi.

(2)

3.6 Hlathulula umqondo omunyethwe libinzana lamagama athi; 'Umvumo osikinyisa nesinedolo' asetjenziswe esikhangisweni esingehlesi.

(2)

3.7 Dzubhula amagama asetjenziswe njengesaga esikhangisweni esingehlesi uzakhele ngaso umutjho kubonakale bona uayazi ihlathululo yaso.

(2)

[10]

UMBUZO 4: IKHATHUNI

Qalisisa ikhathuni engenzasi bese uphendula imibuzo elandelako.

ITHEKSTHI E



[Ithethwe ku: www.images.com]

4.1 Tlola iinkhekhe zekulomo EZIMBILI ezakhe ibizo elithi; 'uNtombizodwa' elisetjenziswe ekhathunini engehla.

(2)

4.2 Buyelela utlole umutjho ongenzasi lo bese ujamiselela igama elithalelwie kiwo ngelinehlathululo ebhamba.

Ngiyazibuza bona uzokwenza njani nasele ngimathambamhlophe nawuvilapha kangaka.

(1)

- 4.3 Buyelela utlole umutjho ongenzasi bese utlola isinciphiso sebizo elithalelwko kiwo.
- Abentazana bamalanga la bayakhohlwa bona ngibo kwaphela ekufanele bapheke, bahlwengise bebenze neminye imisetjenzana yangekhaya. (1)
- 4.4 Buyelela utlole umutjho ongenzasi uwenze ube yikulomo engakanqophi.
'Mma, ngibawa ungenzele nami ukudlokho' kutjho uMasesi. (1)
- 4.5 Sebenzisa isihlanganisi esifaneleko uhlanganise imitjho engenzasi le ibe mumutjho owodwa.
Mma, ngibawa ungenzele nami ukudlokho. Ngisacoca noNtombizodwa. (2)
- 4.6 Thatha igama elithi; 'usiqedamlozi' elisetjenziswe ekhathunini engehla le ulisebenzise emutjhweni ozozitlamela wona kuvele bona uyayazi ihlathululo yalo. (1)
- 4.7 Tshwaya ngomqondo welimi omunyethwe magama athi; 'Abentazana bamalanga la bayakhohlwa bona ngibo kwaphela ekufanele bapheke, bahlwengise bebenze neminye imisetjenzana yangekhaya' assetjenziswe ekhathunini engehla le. (2)
[10]

UMBUZO 5

Funda itheksthi engenzasi bese uphendula imibuzo elandelako.

ITHEKSTHI F

'Mina ngigebengwe ngalendlela. Ngithi ngonelwe umntwana bese ngenziwa nje. Sikhulume sazwana nokuzwana? NgoZimu lingawa lidojwe ziinkukhu. Phezu kwamakhulu asithandathu wehlawulo esazwana ngawo sinoMahlangu umlomo nomlomo, azongiphara ngeemponde ezimatjhumi amahlanu? Aqede lapho angitjele bona sezwana?' Athi angayemayema nengqondwakhe njalo, awaqalisise kuhle layo 5 ma-postal order. Awathole atlolle ama-R50,00 lilinye, negama lakhe litlolwe kuhle njengomuntu ofuze akhokhelwe leyo mali. Kuthi akazibulale uNtuli. Arhwatjhule nencwadi atlollewe yona mkhozakhe uMahlangu. Ayithole bona ifundeka kamnandi. Itjho kuhle incwadi bona njengabakhozi abaneengqondo ezivuthweko kuyamthabisa ukuthola bona bayezwana ngehlawulo elikhulu lamaranda. Lokho kutjengisa 10 ukuzwana nokwazi isintu nomthetho. Esikhundleni sama-R600,00 ayihlawulo umthumele i-R100,00 kwaphela.

'NaMaredi, qala lapho bona uMahlangu ungenzeni.' UNaMaredi akasakwazi ngitjho nokwala phezu kobana umntwanakhe aqotjhiwe. Ayithathe incwadi leyo ayiphathe ngesandla kodwana do ukuyipha amehlo. 'Imilandu esele ngiyenze ngalendlela. 15 Ngiyabuza phela? Ngirhuge amakuwa azihlalele ngesimanga sakhe. Sithi abantu bemadorobheni bararene iinhloko kanti asikababoni bemakhaya. Khuyini khona lokhu?' UNtuli ulwa nje uNaMaredi uqale phasi, iinyembezi ziyagobhoza.

- 5.1 Tlola bona igama elithalelwko emutjhweni ongenzasi lo lisikhekhe bani sekulomo.
Esikhundleni sama-R600,00 ayihlawulo umthumele i-R100,00 kwaphela. (1)

- 5.2 Buyelela utlole umutjho ongenzasi lo bese ujamiselela igama elithalelweko ngeлимqondofana nalo kodwana elingalumeliko.

Azongiphara ngeemponde ezimatjhumi amahlanu?

(1)

- 5.3 Buyelela utlole umutjho ongenzasi bese ujamiselela isilungelelo esithalelweko ngesinomqondo oveza ukwenzisa.

Ayithole bona ifundeka kamnandi.

(1)

- 5.4 Buyelela utlole umutjho ongenzasi lo bese urhwalabhisa/ulwangisa iledere elithalelweko esenzwenesi.

Mina ngigebengwe ngalendlela.

(1)

- 5.5 Hlathulula umqondo olethwa sisakhi esitlolwe ngokunzima khulu ebizweni elisetjenziswe emutjhweni ongenzasi lo.

UNAMaredi akasakwazi ngitjho nokwala phezu kobana umntwanakhe aqotjhiwe.

(2)

- 5.6 Tlola bona ibinzana lamagama elithalelwemutjhweni ongenzasi lo lisetjenziswe njengani bewunikele nehlathululo yalo uqalise ekusetjenzisweni kwalo etheksthini engehla le.

Ayithathe incwadi leyo ayiphathe ngesandla kodwana do ukuyipha amehlo.

(2)

- 5.7 Thatha ibinzana lamagama athalelwemutjhweni ongenzasi ulisebenzise emutjhweni ozozitlamela wona kuvele bona uyayazi ihlathululo yalo.

NgoZimu lingawa lidojwe ziinkukhu.

(2)

[10]

IMITLOMELO YESIGABA C:

INANI LOKE:

30

70